

Član 4.

Ovaj pravilnik stupa na snagu osmog dana od dana objavljivanja u "Službenim novinama Federacije BiH"

Broj 01-02-2-1168/09-8
Septembra 2015. godine
Sarajevo

Ministar
Josip Martić, s. r.

Na temelju članka 81. stavak 7. Zakona o prostornom planiranju i korištenju zemljišta na razini Federacije Bosne i Hercegovine ("Službene novine Federacije BiH", br. 2/06, 72/07 i 32/08, 4/10, 13/10 i 45/10), federalni ministar prostornog uređenja donosi

**PRAVILNIK
O IZMJENAMA I DOPUNAMA PRAVILNIKA O
GEOTEHNIČKIM ISTRAŽIVANJIMA I ISPITIVANJIMA
TE ORGANIZACIJI I SADRŽAJU MISIJA
GEOTEHNIČKOG INŽINJERSTVA**

Članak 1.

U Pravilniku o geotehničkim istraživanjima i ispitivanjima te organizaciji i sadržaju misija geotehničkog inženjersva ("Službene novine Federacije BiH", broj 60/09), u članku 9. stavak (2) iza riječi "nerazdvojive" zarez se zamjenjuje točkom, a preostali dio teksta briše se. Iza stavka (3) dodaje se novi stavak (4) koji glasi:

"(4) U slučaju da revizija geotehničke izvedbene studije (misija G41) i nadzor geotehničkih radova (misija G42) iz stavka (3) utvrdi da postoji potreba promjene geotehničkih konstrukcija investitor je dužan osigurati adaptaciju i/ili optimizaciju glavnog projekta stvarnim uvjetima terena".

Članak 2.

U članku 51. riječi "izvodač" se zamjenjuje riječju "investitor".

Članak 3.

U članku 52. dodaje se novi stavak (3) koji glasi:
"(3) Suglasnost iz stavka (1) ovog članka, investitor je dužan dati u roku od 21 dan računajući od dana dostavljanja zaključaka misije G41".

Članak 4.

Ovaj pravilnik stupa na snagu osmog dana od dana objavljivanja u "Službenim novinama Federacije BiH"

Broj 01-02-2-1168/09-8
Rujna 2015. godine
Sarajevo

Ministar
Josip Martić, v. r.

Na osnovu člana 81. stav 7. Zakona o prostornom planiranju i korištenju zemljišta na nivou Federacije Bosne i Hercegovine ("Službene novine Federacije BiH", br. 2/06, 72/07 i 32/08, 4/10, 13/10 i 45/10), federalni ministar prostornog uređenja donosi

**PRAVILNIK
O IZMJENAMA I DOPUNAMA PRAVILNIKA O
GEOTEHNIČKIM ISTRAŽIVANJIMA I
ISPITIVANJIMA TE ORGANIZACIJI I
SADRŽAJU MISIJA GEOTEHNIČKOG
INŽINJERSTVA**

Član 1.

U Pravilniku o geotehničkim istraživanjima i ispitivanjima te organizaciji i sadržaju misija geotehničkog inženjersva ("Službene novine Federacije BiH", broj 60/09), u članu 9. stav (2) iza riječi

"nerazdvojive" zarez se zamjenjuje točkom, a preostali dio teksta briše se. Iza stava (3) dodaje se novi stav (4) koji glasi:

"(4) U slučaju da revizija geotehničke izvedbene studije (misija G41) i nadzor geotehničkih radova (misija G42) iz stava (3) utvrdi da postoji potreba promjene geotehničkih konstrukcija investitor je dužan osigurati adaptaciju i/ili optimizaciju glavnog projekta stvarnim uvjetima terena".

Član 2.

U članu 51. riječi "izvođač" se zamjenjuje riječju "investitor".

Član 3.

U članu 52. dodaje se novi stav (3) koji glasi:
"(3) Suglasnost iz stava (1) ovog člana, investitor je dužan dati u roku od 21 dan računajući od dana dostavljanja zaključaka misije G41".

Član 4.

Ovaj pravilnik stupa na snagu osmog dana od dana objavljivanja u "Službenim novinama Federacije BiH".

Broj 01-02-2-1168/09-8
Septembra 2015. godine
Sarajevo

Ministar
Josip Martić, s. r.

**MINISTARSTVO ZDRAVSTVA
KANTONA SARAJEVO**

1518

Na osnovu člana 94. stav 3. Zakona o zdravstvenoj zaštiti ("Službene novine Federacije BiH", br. 46/10 i 75/13) i čl. 66. i 67. stav 3. Zakona o organizaciji organa uprave u Federaciji Bosne i Hercegovine ("Službene novine Federacije BiH", br. 35/05), ministrica zdravstva Kantona Sarajevo donosi

**PRAVILNIK
O UVJETIMA PROSTORA, OPREME I KADRA KOJIMA
SE OSIGURAVAJU MJERE ZDRAVSTVENE ZAŠTITE
ZA OBAVLJANJE ZDRAVSTVENE NJEGE I
REHABILITACIJE U USTANOVAMA SOCIJALNE
ZAŠTITE NA PODRUČJU KANTONA SARAJEVO**

I - OSNOVNE ODREDBE

Član 1.

(Predmet pravilnika)

Ovim pravilnikom propisuju se bliži uvjeti prostora, opreme i kadra kojima se osiguravaju mjere zdravstvene zaštite za obavljanje zdravstvene njege i rehabilitacije u ustanovama socijalne zaštite na području Kantona Sarajevo osoba zavisnih od tuđe pomoći, nemoćnih i starih lica, smještenih u ustanovama socijalne zaštite na području Kantona Sarajevo.

**II - ORGANIZIRANJE MJERA ZDRAVSTVENE
ZAŠTITE**

Član 2.

(Način pružanja mjera zdravstvene zaštite)

Mjere zdravstvene zaštite nemoćnih i starih lica vrši se prema uputama i stručnom nadzoru doktora medicine koji propisuje postupke provođenja zdravstvene njege i rehabilitacije lica smještenog u socijalnu ustanovu.

Obavljanje primarne zdravstvene zaštite iz stava 1. ovog člana provode se putem domova zdravlja, odnosno zdravstvenih radnika u privatnoj praksi i uređuje se ugovornim odnosom.

Troškove zdravstvene zaštite iz stava 1. ovog člana iznad utvrđenog zdravstvenog standarda snosi ustanova socijalne zaštite.

Član 3.

(Zdravstvena stanja)

U ustanovi socijalne zaštite, mjere zdravstvene zaštite za obavljanje zdravstvene njege i rehabilitacije pružaju se licima koja se nalaze u stanju:

- nepokretnosti ili stanju koje zahtjeva medicinska sredstva za kretanje, odnosno pomoć druge osobe pri kretanju;
- hroničnih bolesti u fazi pogoršanja ili nastanka komplikacija;
- nakon složenijih operativnih zahvata koja zahtijevaju previjanje i njegu;
- kod terminalnog bolesnika.

Briga o zdravlju za funkcionalno ovisne korisnike boravka uključuje: praćenje općeg zdravstvenog stanja - promatranje i evidentiranje općeg izgleda, funkcionalnosti, promjene ponašanja i drugih pokazatelja zdravstvenih teškoća, mjerenje tlaka, pulsa i temperature, pojačano praćenje korisnika pod psihofarmakoterapijom i korisnika u pogoršanom stanju; neposredno pružanje zdravstvenih usluga - provođenje zdravstvene njege i medicinskih terapijskih zahvata, suradnja s liječnikom, davanje hitne pomoći u okviru svoje osposobljenosti do dolaska liječnika, održavanje higijene, primjena mjere kontrole zaraze, provođenje zdravstvenog odgoja, vođenje osnovne dokumentacije.

III - SANITARNO-TEHNIČKI I HIGIJENSKI UVJETI

Član 4.

(Sanitarni uvjeti)

Organizaciona jedinica koja pruža mjera zdravstvene zaštite cjelodnevnog boravka mora ispunjavati sanitarno-tehničke i higijenske uvjete propisane Pravilnikom o bližim uvjetima prostora, opreme i kadra za osnivanje i obavljanje zdravstvene djelatnosti u zdravstvenim ustanovama ("Službene novine Federacije BiH", br. 26/12, 23/13, 90/13, 15/14 i 82/14).

IV - UVJETI PROSTORA, OPREME I KADRA

Član 5.

(Uvjeti prostora)

Za pružanje mjera zdravstvene zaštite ustanova mora sadržavati sljedeći prostor:

- prostorija za pregled pacijenata površine 12 m²;
- prostorija za intervenciju površine 16 m²;
- prostorija odgovarajuće površine u kojoj će se na propisan način čuvati lijekovi, sanitetski materijal, dezinfekciona sredstva;
- odgovarajuću prostoriju za fizikalnu terapiju.

Član 6.

(Uvjeti opreme)

Osnovnu opremu liječničke ordinacije čini: metalni ormar za osobne zdravstvene kartone s ključem, radni stol za liječnika, radni stol za medicinsku sestru, stolice za liječnika i medicinsku sestru s podešavanjem visine i mogućnošću pokretanja, stolica za pacijenta u prostoriji intervencije, stolica na vijak bez naslona za pregled pacijenta u prostoriji za pregled pacijenta, sterilizator, tlakomjer na živu s različitim širinama manžeta, ležaj za pregled pacijenta, paravan, ormar za instrumente i lijekove, stolić za instrumente, toplojmer, stetoskop (slušalice), špatule za pregled ždrijela za jednokratnu upotrebu, plahte za jednokratnu upotrebu, rukavice za jednokratnu upotrebu, komplet lijekova za terapiju anafilaktičkog šoka i ampulirani lijekovi u skladu sa potrebama populacije koja se zbrinjava, plastična posuda za medicinski otpad i posude za ostali otpad.

U prostoriji za pregled pacijenata i prostoriji za intervencije, u pravilu, treba osigurati i telefon i računar.

Osnovnu opremu za medicinske sestre/tehničare čine: radni stol, računar sa pisačem, ormar za čuvanje dokumentacije, stolica za uposlenika i stolica za stranku, ormar za instrumente, metalne posude za sterilizaciju instrumenata, instrumente za potrebe previjanja i vađenja konaca, pribor za primjenu peroralne i lokalne terapije, tlakomjer, toplojmer, sterilni pribor za previjanje, pribor za kateterizaciju mjehura i urinarni kateteri različitih promjera, pribor za uzimanje uzoraka laboratorijske pretrage, glukometar, test trake za brzo određivanje promjene u urinu, zavoji, zaštitna odjeća i pribor (rukavice, maske), plastična posuda za medicinski otpad, posude za ostali otpad, sterilizator za suhi zrak ili autoklav i sestrinska torba.

Osnovnu opremu za fizikalnu terapiju čine: ležajevi za vježbanje, strunjače, štapovi za vježbe, ogledala za vježbe, utezi za ruke i noge, elastične široke trake za vježbanje.

Osnovnu opremu za pružanje njege korisnicima čine: termofor, vrećice za led, posude za va umivanje, bubrežaste zdjele, posude za stavljanje obloga, veliki umivaonik za umivanje u krevetu, invalidska kolica, gumirane plahte, posude za mokrenje, sušila za kosu, pregače od nepropusnog platna.

Član 7.

(Uvjeti kadra)

Broj i vrsta stručnih radnika zavisi o broju i vrsti korisnika, broju i vrsti specifičnih problema i poteškoća za koje je ustanova socijalne zaštite osnovana, vrsti poslova utvrđenih statutom ustanove socijalne zaštite.

Doktor medicine u ustanovi socijalne zaštite odlučuje o načinu liječenja korisnika (1 ljekar na 200 korisnika).

Doktor medicine iz prethodnog stava ovog člana ima završen medicinski fakultet, položen stručni ispit, licencu izdatu od nadležne komore.

U slučaju hitnosti, kao i u slučaju kada ne postoji mogućnost liječenja u ustanovi oboljeli korisnik se upućuje u zdravstvenu ustanovu u kojoj postoji mogućnost specijalizovanog liječenja.

Poslove njege, rehabilitacije i medicinske konsultacije djece i omladine sa umjerenom, teškom i težom mentalnom retardacijom obavljaju:

- Doktor medicine, specijalista neurologije - 1x mjesečno 8 sati na 150 korisnika;
- Doktor medicine, specijalista psihijatrije - 1x mjesečno 8 sati na 150 korisnika;
- Doktor medicine, specijalista fizikalne medicine i rehabilitacije - 1x mjesečno 8 sati na 150 korisnika;
- Jedna medicinska sestra sa punim radnim vremenom na odjelu do 20 korisnika;
- Jedan fizioterapeut sa punim radnim vremenom na odjelu do 25 korisnika;
- Jedna njegovateljica sa punim radnim vremenom na 5 korisnika sa potpunom ovisnošću.

Poslove njege, rehabilitacije i medicinske konsultacije tjelesno i mentalno oštećenih lica tj. odraslih lica sa umjerenom, teškom i težom mentalnom retardacijom obavljaju:

- Doktor medicine, specijalista neurologije -1x mjesečno 8 sati na 150 korisnika;
- Doktor medicine, specijalista psihijatrije - 1x mjesečno 8 sati na 150 korisnika;
- Doktor medicine, specijalista fizikalne medicine i rehabilitacije - 1x mjesečno 8 sati na 150 korisnika;
- Jedna medicinska sestra sa punim radnim vremenom na odjelu do 80 korisnika;
- Jedan fizioterapeut sa punim radnim vremenom na odjelu do 200 korisnika;
- Jedna njegovateljica sa punim radnim vremenom na 10 korisnika sa potpunom ovisnošću.

Poslove njege, rehabilitacije i medicinske konsultacije starih i nemoćnih osoba /gerijatrijski pacijenti/ obavljaju:

- Doktor medicine, specijalista fizikalne medicine i rehabilitacije - 1x mjesečno 8 sati na 150 korisnika;
- Doktor medicine, specijalista ortoped - 1x u dva mjeseca po 8 sati na 150 korisnika
- Doktor medicine, specijalista neurologije - 1x mjesečno 8 sati na 150 korisnika;
- Doktor medicine, specijalista psihijatrije - 1x mjesečno 8 sati na 150 korisnika;
- Jedna medicinska sestra sa punim radnim vremenom na 20 korisnika;
- Jedan fizioterapeut sa punim radnim vremenom na 40 korisnika;
- Jedna njegovateljica sa punim radnim vremenom na 10 korisnika.

Poslove njege, rehabilitacije i medicinske konsultacije djece i omladine sa dualnom dijagnozom obavljaju:

- Doktor medicine, specijalista psihijatrije 1x mjesečno po 32 sata na 150 korisnika;
- Jedan fizioterapeut sa punim radnim vremenom na odjelu do 250 korisnika;
- Jedna medicinska sestra sa punim radnim vremenom na odjelu do 60 korisnika;
- Jedna njegovateljica sa punim radnim vremenom na odjelu sa 8-10 korisnika sa potpunom ovisnošću.

Poslove njege, rehabilitacije i medicinske konsultacije odraslih sa dualnim dijagnozama obavljaju:

- Doktor medicine, specijalista psihijatrije 1x mjesečno po 16 sati na 200 korisnika;
- Jedan fizioterapeut sa punim radnim vremenom na odjelu do 250 korisnika;
- Jedna medicinska sestra sa punim radnim vremenom na odjelu do 100 korisnika;
- Jedna njegovateljica sa punim radnim vremenom na 10 korisnika sa potpunom ovisnošću.

Uvjeti za obavljanje djelatnosti su:

- specijalista određene grane;
- diploma fakulteta zdravstvenih studija - visoke zdravstvene škole, više ili srednje medicinske škole;
- položen stručni ispit;
- licenca izdata od nadležne komore.

Uvjeti za obavljanje usluga njege:

- osnovna škola i tečaj za njegu

V - POSTUPAK VERIFIKACIJE

Član 8.

(Postupak verifikacije)

Na postupak verifikacije, odnosno utvrđivanje ispunjenosti prostora, kadra i opreme za organiziranje mjera zdravstvene zaštite u ustanovama za socijalnu zaštitu primjenjuju se odredbe Pravilnika o bližim uvjetima prostora, opreme i kadra za osnivanje i obavljanje zdravstvene djelatnosti u zdravstvenim ustanovama ("Službene novine Federacije BiH", br. 26/12, 23/13, 90/13, 15/14 i 82/14).

VI - ZAVRŠNE ODREDBE

Član 9.

(Stupanje na snagu)

Ovaj Pravilnik stupa na snagu danom objavljivanja u "Službenim novinama Federacije BiH".

Broj 10-05-26632/15
08. augusta/kolovoza
2015. godine
Sarajevo

Ministrica
Prim. dr. **Emira
Tanović-Mikulec**, s. r.

(SI-929/15-F)

MINISTARSTVO PRAVOSUĐA I UPRAVE UNSKO-SANSKOG KANTONA

1519

Na osnovu člana 29. stav 2. Zakona o notarima ("Službene novine Federacije BiH", broj 45/02), i saglasnosti Federalnog ministarstva pravde broj: 02-49-6066/15 od 08.09.2015. godine, ministrica Ministarstva pravosuđa i uprave donosi

RJEŠENJE

O IZBORU KANDIDATA ZA NOTARA

Seferagić Silva iz Bihaća, ul. Bedem broj 10 izabrana je za notara sa službenim sjedištem u Velikoj Kladuši, za područje općine Velika Kladuša.

Pravna pouka: Protiv ovog rješenja može se, u roku od osam dana od dana prijema istog, uložiti prigovor Federalnom ministarstvu pravde.

Broj 07-05-7031-8/2015

22. septembra/rujna 2015. godine

Bihać

Ministrica

Sabina Beganović, s. r.

(SI-940/15-F)

JKP "KOMRAD" D.O.O. BIHAĆ

1520

Na osnovu člana 37. Poslovnika o radu Nadzornog odbora JKP "Komrad" d.o.o. Bihać broj 0-01-NO/06 od 07.12.2006. godine i člana 62. Statuta JKP "Komrad" d.o.o. Bihać - prečišćeni tekst ("Službeni glasnik grada Bihaća", broj 7/15) i Prijedloga Gradonačelnika Grada Bihaća broj 01-05-5979 od 16.09.2015. godine, na dvadesetoj sjednici Nadzornog odbora održanoj dana 30.09.2015. godine, donosi se

ODLUKA

O IZBORU I IMENOVANJU IZVRŠNOG DIREKTORA SEKTORA ZA OPERATIVNO-TEHNIČKE POSLOVE JKP "KOMRAD" D.O.O. BIHAĆ

I

Mehura (Ismet) Selimović iz Bihaća imenuje se na poziciju izvršnog direktora Sektora za operativno-tehničke poslove.

II

Imenovani iz tačke I ove Odluke imenuje se na vrijeme od četiri godine, s mogućnošću ponovnog imenovanja.

III

Ova Odluka će se odmah objaviti u "Službenim novinama Federacije BiH", za što se zadužuje Uprava Preduzeća.

IV

Daje se odobrenje direktoru Preduzeća da sa imenovanim zaključi ugovor kojim će se urediti pitanje plaće i drugih materijalnih prava imenovanog, a u skladu sa važećim zakonskim propisima koji uređuju oblast radnih odnosa.

V

Ova Odluka stupa na snagu danom donošenja.

Predsjednik

Nadzornog odbora

Broj 2536/15

30. septembra/rujna 2015. godine

(SI-943/15-F)

Fuad Hambelić, s. r.

1521

Na osnovu člana 37. Poslovnika o radu Nadzornog odbora JKP "Komrad" d.o.o. Bihać broj 0-01-NO/06 od 07.12.2006. godine i člana 62. Statuta JKP "Komrad" d.o.o. Bihać - prečišćeni tekst ("Službeni glasnik grada Bihaća", broj 7/15) i Prijedloga Gradonačelnika Grada Bihaća broj 01-05-5979 od 16.09.2015.